

#### 修行 E 知錄

#### 目次

為山大圓禪師警策五〇	寶王三昧念佛直指第十七節錄四八	勸發菩提心文 三二	佛説八大人覺經	佛説四十二章經註經文	佛垂般涅槃略説教誡經遺教經
------------	-----------------	-----------	---------	------------	---------------

百丈大智禪師叢林要則二十條

五八

六七

六二

五九

六四

佛言菩薩有一法能断一切諸悪道苦 謂於晝祖常念思惟觀察善法令諸善 諸悪永斯善法圓滿 法念"增長不容毫分不善問雜是即能令 下間高別

重編第23冊參閱龍藏景印

釋 所應度 迦牟 尼 者皆已度訖 佛 0 初 轉 · 於娑羅雙樹 法輪度阿若憍陳 間 將 如 0 入 最後 涅槃 姚 秦三藏 説 0 是 法 使須須 法 時 師 中 鳩 -夜寂 跋 摩羅 陀

汝等 皆當遠離 寶 賣貿易 0 當 比 丘 知 0 安 如避火坑 此 0 於我滅 置田 則是汝 宅 大 後當尊重珍敬 0 0 畜養人民 師 不得斬伐草木墾土掘 0 若 我 住 奴 婢 波羅提 世無異此也 畜 生 木 0 地 叉 0 。 合 切 0 持 種 如 和湯藥 植 淨 闇 戒 及 遇 諸 者 明 占 財 不 貧 相 得 寶 人 吉 得 販 0

聲

。爲諸弟子略說法

要

0

然

無

羅

0

什

佛垂般涅槃略說教誡經亦名佛遺教經

德 法 養 不應 慧 順 活 凶 知量 解 之 0 0 0 0 所 是 脱 作 若 不 仰 無淨 之 知 住 故 得參預世事通致使命 觀 0 本 當 處 足 比 星宿 丘 自 戒諸善功德皆不得生 0 0 0 故名 端 趣得供事 0 推 當 心正念求 步盈 持淨 波羅 虚 提 戒 不應畜積 曆 勿令 木叉 度 數算計皆所 -。 咒術 0 毁 不 0 得 。是 缺 依 0 包藏 此 因 仙 0 若 藥 以當知 此 則略說持戒 不 人能 戒 0 瑕 應 結 得 疵 持淨 0 生 類異 好貴 。戒爲第一安隱 節 諸禪定 身 戒是 之 惑 人親厚 時 眾 相 則 及 。戒 食 0 能 滅 清 媒₺ 於 -是 慢 苦 有 淨 四 智 功 善 正 供 自

汝等 執 比 不可制也。 杖 丘 視 0 已 之 能 0 亦如惡馬不以轡制 不 住戒當制五 令 縱 逸 犯 根 人 苗 。勿令放逸入 稼 0 0 若 將當牽人墜於坑路 縱 五 於 根 五 0 欲 非 唯 0 譬 五 欲 如 將 牧 被 牛 無

可禁制 事 滅 智者 劫害 毒 輕 躁 蛇 不 辦 惡 制 苦 但 此 觀 獸 五 而 止一世 0 。當急挫之無令放逸。縱 是 於蜜 怨賊 根 不 故 隨 者心爲 大火越 比 不 。持 0 見深 丘 五 其主 之如 。當 根 逸 賊 坑 勤 賊 禍 0 0 0 精進折 未足 是 譬 不令 殃及累世 故汝 如 喻也。喻 狂 縱 等 象 逸 伏 此心者喪人善事。制之一處無 汝 無 0 0 0 假令縱 。 い 當 爲害甚重 鉤 好制 。猿 如一人手 0 猴 之皆亦 ジ 得 不可不 。心之 樹騰 執 蜜器 不 躍 可 久 愼 踔 畏 見其磨 0 0 是 躑 動 甚 於 轉 難 故

汝等 趣 不令過 以 除 自 除 比 飢 分以竭其力。 渴 惱 丘 0 0 0 受諸 無 如 蜂採華 得 飲食 多求壞其善心 但 當 取 如 其 服 味不 藥 。譬如智者籌量牛力所堪多少 0 於 損 色香 好 於惡勿 0 比 丘 生 亦 增 阚 减 0 0 受 趣 得 人 供養 支

身

不能 勿出 汝等 德 眠是 汝室 無常 汝等 於怨家。安可睡眠不自警寤。煩惱毒蛇睡在汝心。譬如 非 夜 有 無 及 惡 比 睡 之 誦 比 法 火 言 慚 。能行忍者乃可名爲有力大人。若其不能歡喜忍受惡罵 丘。若有人來節節支解。當自攝心無令瞋恨。亦當護 愧之人則有善法 經 丘 0 。是故比丘。常當慚恥勿得暫替。若離慚 燒諸 人也 當以持戒之鉤早屏除之 以 0 0 若 自消息。無以睡眠因緣令一生空過無所得 晝 縱恚 世間 則 。慚恥之服。於諸莊嚴最爲第一。 勤 。早 ら 心修習善法 則自 求 。若無愧者與諸禽獸 妨 自度勿 道失 無令失時 睡眠 功德利。忍之爲德持戒苦 。睡蛇 也 。初 既出乃可安眠 0 諸煩惱 無 夜後夜亦 相 慚 異 賊 恥 常 也 如 鐵 則 也 勿有 伺 0 失 黑蚖炎 鉤 不 殺 0 當念 諸 能 行 出 廢 所 在 甚 功 制 而

常 破諸善法 之 無 法 當 毒如飲甘露者。不名入道智慧人也。所以者何。瞋恚之害 自 防 頀 制瞋猶可恕。出家行道無欲之人。而懷瞋恚甚不可 勿令得入。 壞好名聞 。今世後世人不喜見 劫 功德賊無過瞋恚 0 。白衣受欲 當 知知 瞋 Ü 非 甚 行 於 道 猛 也 火 則 0 0

譬

如清冷雲中霹靂起火非所應也。

汝等 宜 活 汝等 但爲欺 0 何 自 比丘。當自摩頭。以捨飾好著壞色衣。執持應器以 比 誑 見 丘 况出家入道之人。爲解脱故自降其身而行乞也 如是 。入道之人則無是處 0 諂 曲之心與道 。若 起憍慢當疾滅之。增長憍慢尚 相違 。是故汝等。宜應端心以質直爲 。是故宜應質直 其心 非世俗 0 當 白衣所 知 乞自 諂 曲

本

之 然無所憂畏。觸事有餘常無不足。有少欲者則有涅槃。是名少 欲 汝 人 則 等 則 無 比 無 此 丘 諂 患。直爾少欲尚應修習。何況少欲能生諸功德 0 曲 當知多欲之人多求利故苦惱亦多。少欲之人 以求 人意 。亦復不爲諸 根所 牽 。行 少欲者 無求 。 少 ら 則 欲 坦

意 處 汝等 比 不 知 丘 知足者雖富而貧 足之人雖臥地上猶爲安樂。不知足者雖處天堂亦不 。若欲脱諸苦惱當觀知足。知足之法 。知足之人雖貧而富。 即是富樂安隱之 不知足者常爲五

欲

0

汝等 。帝釋諸天所共敬重。是故當捨己眾他眾。空閑獨處思滅苦 比 丘 0 欲求寂 靜無爲安樂。 當離慣開獨 處閑居 0 靜 處

欲所

牽。爲

知足者之所憐愍。是名知足。

本 。若 樂眾者則受眾惱。譬如大樹眾鳥集之則有枯折之患。 世

間 縛著沒 於眾苦。譬如老象 溺泥不能 自 出 。是名遠 離

汝等 小 水常 比 丘 流 則能 。若勤精進則事無難者 穿石。 若 行者之心數數解廢。譬如鑽火未熱 。是故汝等。 當勤 精 進 0 礕 而 如

息

0

雖

欲

得

火火難可得

。是名精

進

0

功德 煩惱 汝等 賊 。若 比丘。求善知識求善護助無如不忘念。若有不忘念者。 則 不 念力堅 能入。是故汝等。常當攝念在心 強 0 雖 入五欲賊中不爲所害。譬如著鎧入陣 0 若 失念者 則 失 諸 諸 則

無 所 畏 。是 名不忘念

0

汝等 是故汝等。常當精勤修習諸定。若得定者心則不散 比 丘 0 若 攝 心者 ら 則 在定 0 ジ 在定故能 知 世 間 生滅 。譬如惜水 法 相

之家善治堤塘 。行者亦爾 。爲智慧水故。善修禪定令不 漏 失

是名爲定

智慧 慧 汝等 智慧者 法中能得解脱。若不爾者。既非道人又非白衣。無所名 切病者之良藥也 而 比 自增益 丘 則是度老病死海堅牢船 0 若有智慧則無貪著 。若人有智慧之照。雖是肉眼而是明見人也 。 伐 煩惱樹之利斧也。是故汝 也 。常自省察不令有失。是 。亦是 無明 黑 等。 闇 大 當 明 燈 以 也 闡 也 則 。是爲 思 於 0 0 實 修 我

汝等比丘。若種種戲論其心則亂。雖復出家猶未得脱。是 丘 0 當 是名不戲論 急 捨 離 亂心 戲論 。若 汝欲得寂滅樂者。唯當善滅戲論之 故

比

汝 苦諦 於 唱 諦有所疑者。可疾問之。無得懷疑不求決也。爾時 尊 也 中 因 白 之 滅 等 佛 0 四諦中決定無疑。於此眾中若所作未辨者。見佛滅度當有悲 0 0 0 0 實苦 言 若 所 無爲空死後 垂 人 又 比 故 無 説 果 在 般涅槃略說教誡經亦名佛遺教經 如善導導人善道 丘 。世尊 樹 滅 問 利益皆以究竟 不可令樂。 0 者 下開處靜 於諸功德常當一心捨諸放逸。如離 。滅苦之道實是眞道 。月可令熱日可令冷。佛説四諦 0 所以 致有悔 者 集眞是因更無 室 何 0 0 0 。汝等但當 我 聞 念所受法 0 之不 眾 如良醫 無疑 行 0 更 異 故 勤 非導過 知病說藥。 勿令忘失 無餘 因 0 而行 時 。苦 道 阿冕 也 之 若 0 0 0 0 滅 樓 常 若 世 不可令異 汝等若 服 於山 怨賊。 與不 當自 尊 者即是 馱 觀察眾 0 世尊如是三 於苦 是 服 勉 間 精 大 諸 因 0 非醫答 若 佛 空 悲 等 滅 進 比 S. 九 而 修 澤 世 丘 説 四 0

佛

道 阿 感 冕 0 樓 若 若 所作已辦已度苦海者。但作是念。 有 馱 雖說是 初 入法者 語 0 0 眾 闡 中 佛 所 皆悉了 説即皆得度 達 四 聖諦義 0 世尊滅 譬 如 0 世尊欲令 夜 度一 見電 何 光 此 疾 即 得 大 見

眾皆得

堅

固。以大悲心復爲眾說

0

諸弟 可得 汝等 上 慧 無常 應捨罪惡之物。 人 明 产 間 比 0 自 滅 會必有離。勿懷憂惱世相 展 皆悉已度 丘 諸 轉 利 0 勿懷 癡 行 利 人法 闇 之 悲 0 0 。其未度者皆亦已作得度因 惱 假名爲身。沒在老病生死大海。 世實危脆 則 皆具足 是 。若 如 我 來 0 住世一 無牢 若 法 身常 我 久住 如是 強 者 在 劫會亦當減 0 而 更無所 0 當勤精進早求 我 不 今得滅 滅 緣。 益 也 0 0 0 會而 是 自今 如 應 除 故 何有智者得 可度者若 當 色 不 惡 解 病 脱 後 離 知 終 0 0 0 我 天 此 以 不

除滅之。如殺怨賊而不歡喜。

汝等 不安之相 比丘 。常當 。汝等且止勿得復語 一心 勤求 出道 0 將欲過我欲滅度 切 世間 動 不 動法 0 皆是 敗 壞

0

時

。是我最後

之所教誨 0

佛垂 一般涅 槃 略說教誡 經

註 ② 註(1) 當離慣「鬧」獨處閑居:大正藏作「鬧」 於「娑」 羅雙樹間將入涅槃:大正藏作 「娑」, ,龍藏作「丙」 龍藏: 作 婆」 0

佛 垂 般涅槃略說教誡經亦名佛 遺 教 經

#### 佛 說 四十二章經 註 鉁經 録文

參閱卍續藏第3冊

。於鹿野苑中 比丘所說諸疑 。作是思惟 順尊敕 。轉 。離欲寂靜 。求佛進止 四諦 法 輪 。世尊教敕。一一開悟 。度憍陳如等五人 。是最爲勝。 宋 守遂註· 後漢 迦葉、摩 ·明 了童補 摩騰竺法蘭同 住 大禪定 。而證 。降 道 註譯

#### 初 出家證果

果

。復

有

諸魔道

世尊成道已

掌敬諾

0

而

0

佛 五十戒。進止清淨。爲四眞道行。成阿羅漢。 言 0 辭 親出家 0 識 心達 本 0 解無爲法 。名 日 沙 阿羅漢者 門 0 常 。能 行二百 飛

靈神 行變化。曠劫壽命。住動天地。次爲阿那含。阿那含者。壽終 上十九天。證阿羅漢。次爲斯陀含。斯陀含者。一上一 。次爲須陀 須陀洹者。七死七生。便證阿

羅漢 。愛欲斷者。如四肢斷。不復用之。

還

。即得阿羅漢

洹。

#### 斷欲絕朕

法 佛言。出家沙門者。斷欲去愛。識自心源。達佛深理。悟無爲 0 內 無所得。外無所求。心不繋道 。亦不結業 0 無念無作

非修非證。不歷諸位。而自崇最。名之爲道。

#### 割愛去貪

佛 日中一食。樹下一宿。慎勿再矣。使人愚蔽者。愛與欲也 言 0 剃 除鬚髮而爲沙門。受道法者。去世資財。乞求取足

#### 四 善惡並明

佛言。眾生以十事爲善。亦以十事爲惡。何等爲十。身三 三者。嫉恚癡。如是十事。不順聖道。名十惡行。是惡若止 四 。意三 。身三者。殺盜淫 。 口 四 者 。兩舌惡口妄言綺語 。意 0 0

#### 五 轉重令輕

名十善行耳

0

海 佛 言。人有眾過。而不自悔。頓息其心。罪來赴身。如 。漸 成深廣 。若 人有過 。自解知非。改惡行善。 罪自消滅 水歸

#### 六 忍惡無瞋

如病得

汗。漸有痊損耳。

佛言。惡人聞善。故來撓亂者。汝自禁息。當無瞋責。彼來惡

者。而自惡之。

七惡還本身

聲。影之隨形。終無免離。慎勿爲惡。 佛言。今子罵我。我今不納。子自持禍。歸子身矣。猶響應 止。問曰。子以禮從人。其人不納。禮歸子乎。對曰 佛言。有人聞吾守道。行大仁慈。故致罵佛。佛默不對 。歸 矣 罵

八 塵唾自汙

**颺塵。塵不至彼。還坌己身。賢不可毀。禍必滅己** 佛言。惡人害賢者。猶仰天而唾。唾不至天。還從己墮。逆風

九 返本會道

佛言。博聞愛道。道必難會。守志奉道。其道甚大。

佛説四十二章經註經文節錄

#### 十 喜施獲福

乎 佛 言 0 佛 。睹 言 0 人施 譬如一 道 炬之火。數千百人。各以炬 助之歡喜。得福甚大。沙 門 來分 問 取 曰 0 0 熟 此 福 食 除 盡

#### 十一 施飯轉勝

冥

0

此

炬

如

故。福亦如之。

斯 者 佛 佛 如 飯 言 陀 0 0 含 飯 不 0 阿羅 飯 五 如 0 惡 飯 戒者萬 飯 千萬 人百 **一** 三 漢 。飯 斯 世諸佛 0 0 十億 不 陀 不 含 如 如 阿羅 飯 飯一善人。飯善人千 。飯千億三世諸佛 0 不 漢 須 如 0 飯 陀 不 洹 如 阿 0 飯一辟支 那 飯 含 百萬須 0 0 不 飯 0 如飯 佛 陀 不 0 如飯一 億 洹 一無念無住 飯 阿 0 百億辟支 那 不 含 如 持 五戒 0 飯 不

無修無證之者

#### 十二 舉難勸修

瞋難 得 佛 道 不 難。隨 睹 言 輕未學難 佛 。有 。人有二十難 經 難 勢不臨難。觸事無心難。廣學博究難。除滅我 化度人難。睹境不動難。善解方便難 。心行平等難 。生值 佛 。貧窮布施難。豪貴學道難。棄命必死 世 難 0 。不説是 忍色忍欲難。見好不 非難 。會善知 0 水難 識 難 。見性 0 被 慢 辱不 難 難 . 學 0

#### 十三 問道宿命

沙 可會至 門問 道 佛 。譬如磨鏡 0 以 何因緣得知宿命。會其至道。佛言。淨心守志。 。垢去明存。斷欲無求。當得宿命

#### 十四 請問善大

沙 門問佛。何者爲善。何者最大。佛言。行道守眞者善。志與 佛 説 四十二章經註經文節錄

道合者大。

十五 請問力明

沙 見 穢 故 門問 0 0 0 無有不知。無有不聞。得一切智。可謂明矣。 是爲最 兼 佛。何者多力 加安健。忍者無惡。必爲人尊。心垢滅盡 明。未有天地。逮於今日。 0 何者最明。佛言。忍辱多力 十方所有 。淨 0 0 無 不 八有不 無 懷 惡 瑕

十六 捨愛得道

臨 汝等沙門 佛言。人懷愛欲不見道者。譬如澄水。 無有睹其影者。人以愛欲交錯。心中濁興。故不見道 。當捨愛欲 。愛欲垢盡。道可見矣。 致手攬之。 眾 人共

十七 明來暗謝

佛言。夫見道者。譬如持炬入冥室中。其冥即滅。 而明獨存

學道見諦。無明即滅。而明常存矣

十八 念等本空

臾。 近爾 佛言。吾法念無念念。行無行行。言無言言。修無修修。會者 0 迷者遠乎。言語道斷。非物所拘。差之毫釐 。失之須

十九 假真並觀

佛言 。觀天地。念非常。觀世界。念非常。觀靈覺。即菩提

如是知識。得道疾矣。

二十 推我本空

佛言。當念身中四大。各自有名。都無我者。我既都無。其如

佛説四十二章經註經文節錄

幻耳。

# 二十一 名聲喪本

名。而不學道。枉功勞形。譬如燒香。雖人聞香。香之燼 佛言。人隨情欲。求於聲名。聲名顯著。身已故矣。貪 八世常

矣。危身之火。而在其後。

## 二十二 財色招苦

佛言。財色於人。人之不捨。譬如刀刃有蜜。不足一餐之

美。小兒舐之。則有割舌之患。

# 二十三 妻子甚獄

佛言 無遠離之念。情愛於色。豈憚驅馳。雖有虎口之患。心存甘 。人繫於妻子舍宅。甚於牢獄 。牢獄有散釋之期 。妻子

伏 投泥自 溺。故曰凡夫。透得此門。出塵羅漢 0

二十四 色欲障道

佛言 。爱欲莫甚於色。色之爲欲 。其大無外。賴有一矣。若 使

二十五 欲火燒身

二同。普天之人。無能爲道者矣

佛言。愛欲之人。猶如執炬逆風而行。必有燒手之患。

二十六 天魔嬈佛

去 天神獻玉女於佛。欲壞 。吾不用。天神愈敬 。因問道意。佛爲解説。即得須陀 佛意。佛言。革囊眾穢。 阚 來 何 爲 洹

果。

佛

説

### 一十七 無著得道

不爲 佛言。夫爲道者。猶木在水尋流而行。不觸兩岸。不爲人 鬼 神 所 遮 0 不爲洄流所住。亦不腐敗 。吾保 此 木 決定入 取

海 保此人必得道矣 。學道之人。不爲情欲所惑。不爲眾邪所嬈。精進無爲。吾

# 二十八 意馬莫縱

佛言。慎勿信汝意。汝意不可信。慎勿與色會。色會即禍 生

得阿羅漢已。乃可信汝意。

# 二十九 正觀敵色

沙門 佛言 。處於濁世。當如蓮華。不爲泥汙。想其老者如母。長者 0 慎勿視女色 。亦莫共言語 。若與語者。正 ら 思念 0 我爲

如姊。少者如妹。稚者如子。生度脱心。息滅惡念。

欲 火遠 離

佛言。夫爲道者。如被乾草。火來須避。道人見欲。必當遠

三 十 一 心寂欲除 之

益 佛言。有人患淫不止。欲自除陰。佛謂之曰。若斷其陰。不 斷心。心 。佛爲説偈。欲生於汝意。意以思想生。二心各寂靜。 如 功曹 0 功曹若 止 。從者都息。邪心不止 0 斷 非色 陰 何 如

亦非行。佛言 0 此 偈是迦葉佛說

三 十 二 我空怖 滅

佛言。人從愛欲生憂。從憂生怖。若離於愛。何憂何怖

佛 説

四十二章經註經文節錄

### 二十三 智明破魔

或 佛 其心。精 半路 言 。夫爲道 而 進勇鋭 退 。或 者 格 。譬 。 不 鬥 如一人 畏前境。破滅眾魔。而得道果 而 死 0 與萬 或得 勝 人戰。挂鎧出 而 還 0 沙 門學 門。意或怯 道 0 0 應當堅持 弱

# 三十四 處中得道

昔在 其 暴 音 沙 不 普矣 鳴 行 門夜誦 家 暴 既 矣 退 即 0 。曾爲 佛言 迦葉佛 身 0 絃 罪必加矣。但清淨安樂。道不失矣 疲 急 何業 如 0 0 沙門學道亦然。 其 遺教 何 分字若 0 0 對 對 經 疲 曰 曰 0 其聲悲緊 0 0 。愛彈琴。 意 聲絕 即 ジ 矣 生 惱 若調適 0 0 佛言 急緩得 思悔 0 意若 。道 。絃 欲 中 生 退 惱 可得 緩 如 0 佛 何 如 0 矣 行 何 問 0 之 。於 對 即 日 退 對 曰 矣 道 0 曰 0 汝 諸 0

# 三十五 垢淨明存

佛言。如人鍛 鐵 。去滓成器 0 器即精好。學道之人。去心垢

染。行即清淨矣。

# 三十六 展轉獲勝

難 男。六根完具難。六根既具。生中國難。既生中國。 佛言。人離惡道。得爲人難。既得爲人。去女即男難 0 既值佛世。遇道者難 。既得遇道 。興信心難。 既 興信心 0 值 既 佛世 得爲

發菩提心難。既發菩提心。無修無證難。

# 三十七 念戒近道

常見吾。不順吾戒。終不得道。 佛言。佛子 離吾數千里 。憶念吾戒。必得道果。在吾左右。 雖

佛説四十二章經註經文節錄

## 三十八 生即有滅

問 問 佛 問 沙門 沙門。人命在幾間。 沙門。人命在幾間 。人命在幾間 0 0 對 對 對 曰 日 曰 0 0 0 呼 飯 數 吸間。 日間 食 間 。佛 0 佛言。善哉。子 佛 言 言 0 。子未知 子未 知 道 道 知道 0 0 復 復

## 三十九 教海無差

矣

0

佛言 。學佛 道 一者 。佛所言説。皆應信順。 譬如食蜜 。中邊皆

甜。吾經亦爾。

# 四十 行道在心

佛 言 0 沙 菛 行 道 0 無如磨牛。身雖行道。心道不 行 。心道若

行。何用行道。

## 四十一 直心出欲

離 佛 言 淤 泥 。夫爲道 0 乃可蘇息。沙門當觀情欲 者 。如牛負重行深泥中。疲極不敢左右顧視 。甚於淤泥。直心念道 0 出 可

# 四十二 達世知幻

免苦矣

素之服 眼前 油 六龍舞 佛言。吾視王侯之位。如 。視方 華 0 0 0 便門 如 視禪定 視平等。如一真地。視 敝帛 。如化實聚。視無上乘。 。如 。視大千界。如 須彌柱 過隙塵。視金玉之寶。如瓦礫。 0 視 興化 一訶子。視阿耨池水 涅 一樂。 0 如 如夢金帛 如 四時 晝夕寤 木 0 0 視 視 倒正 佛道 。如 塗足 視 0 0 如 紈

註① 佛 説 「六」根既具:卍續藏第37冊 《四十二章經解》、《四十二章經疏鈔》作「六」。 四十二章經註經文節錄 《佛說四十二章經註》 作 「 五 」

身融國 日入佛境界。性, 常作还是 小麦 土眾生。 琴相。

爲 佛弟子 。常於晝夜。至心誦念。八大人覺 0

後漢安息國三藏安世高譯

第一覺悟 0 世間無常 0 國土危脆 0 四 大苦空 0 五 陰 無我 0

生滅變異。虛偽無主。心是惡源。形爲罪藪 0

如是觀察。漸離生死。

第二覺知 0 多欲爲苦。生死疲勞。從貪欲起。少欲無爲 0

身心自在。

第三覺知 。心無厭足 常念知足。安貧守道。唯慧是業 0 唯 得多求 0 增長罪惡 0 0 菩薩不爾

第 四覺知 懈怠墜落 。常行精進 0 破煩惱惡。 摧 伏四 魔 0

出陰界獄

0

第 五覺悟 0 愚癡 生 死 0 菩薩常念 0 廣學多聞 增長智慧 0

成就辯才。教化一切。悉以大樂。

第六覺知 。貧苦多怨 0 横結惡緣 0 菩薩布施。 等念冤親 0

不念舊惡。不憎惡人。

七覺悟 。五欲過患。 志 願 出家 0 守道清 雖爲俗人。 白 0 梵 不染世樂。念三衣瓶鉢法器 行高遠 0 慈悲一 切 0 0

八覺知。生死熾然。苦惱無量。發大乘心。 普濟一切 0

第

第

願 代眾生 。受無量苦。令諸眾 生 0 畢竟大 樂 0

如 此八事。乃是諸佛菩薩大人之所覺悟。精進行道。慈悲修

慧 。乘法身船。至涅槃岸。復還生死。度脱眾生。以前八事。

弟子 開導 。 誦 一切。令諸眾生。覺生死苦。捨離五欲。修心 此八事。於念念中。滅無量罪。進趣菩提。速登正 聖道 。若 佛

佛說八大人覺經覺。永斷生死。常住快樂。

註②念三衣「瓶」鉢法器:大正藏作「瓶」,宋元明本作「瓦」 註①等念「冤」親:大正藏作「冤」,宋元明本作「怨」

### 勸發菩提心文

省庵法師語錄卷上參閱卍續藏第62冊

古杭梵天寺沙門實賢撰

發廣 薩 名魔業 行 男女等 行急務 不肖愚下凡夫僧實賢。泣血稽額。哀告現前大眾。及當世淨信 願 0 總 大大心 。 不 是 。立 。忘失尚爾。 0 唯 可緩 徒勞辛苦 。立堅固願 願居先。 願慈悲 也 。少 0 況未發乎。故知欲學如來乘。必先具發菩 故華嚴經云 願立則眾生可度 0 加聽察 則縱經塵劫。依然還在輪 0 嘗聞 。忘失菩提心。修諸善 入道 。心發則佛道 要門 0 發心爲首 迴 堪成 0 雖 法 0 有 苔 。是 0 修 修 不

真偽 言之 如是發 下化 務 然 雖 爲生死。爲菩提。如是發心。名之爲正。念念上求佛道。心心 如登萬仞之山。必窮其頂。如上九層之塔。必造其顚。如是發 有 。或 心願差別。其相乃多。若不指陳。如何趣向。今爲大眾略而 。名之爲眞。有罪不懺。有過不除。內濁外清。 眾 大 好心 生 心。名之爲邪。既不求利養名聞 求 小 相有其八。所謂邪正眞偽大小偏圓是也。云 0 偏圓 。多爲名利之所夾雜。雖有善法 利養。或好名聞。或貪現世欲樂。或望未來果 聞佛道長遠。不生退怯 耶。世有行人。一向修行。不究自心。但 。觀眾生難度 。又不貪欲 。復爲罪業之所染 。不生厭 樂果 始 何名爲 勤 終怠 報 知外 邪正 報 倦 。唯

汙

。如是發心。名之爲僞。眾生界盡。我願方盡。菩提道成

僞 虚 家。但 取 有眾生 我 正 願成就。不見一法 ジ 正發菩提心也。 爲 。名之爲偏。若知自性是眾生。故願度脱。自性是佛道 願方 空之行 圓 去 爲眞爲偽。爲大爲小。爲偏爲圓。云何去取。所謂去邪去 則 成 期自度。不欲度人。如是發心。名之爲小。若於心外見 小 0 。知此八種差別。則知審察。知審察。則知去取 可發心。云 及 去 。如是發心。名之爲大。觀三界如牢 。證虚空之果。亦無虚空之相可得。如是發心 偏 以佛道 。取正取眞。取大取圓。如此發心。方得名爲眞 。願 。離心別有。以虛空之心 何審察。 度願成 謂我所發心。於此八中 。功勛不忘 。知 0 發虛空之 見不泯 獄 0 視 。爲 生死如冤 。如是發 願 0 邪爲 知 0 0 故 去

勸發菩提心文

故 師 此 種 長恩故 菩提心。諸善中王。必有因緣。方得發起。今言因緣。略 。七者尊重己靈故。八者懺悔業障故。九者求生淨土故 0 何等爲十。一者念佛重恩故 。四者念施主恩故。五者念眾生恩故。六者念死 。二者念父 母恩故 。三者念 生苦 有

者爲念正法得久住

故。

佛 業 道 生 云何念佛重恩。謂我釋迦如來。最初發心。爲我等故。行菩薩 而 重 我 已滅度。何罪而生末法。何福而預出家。何障而不見金身 隨 愚癡 經 無量 不 逐於我。心無暫捨。佛初 能 。不知信受。我墮地獄。佛復悲痛。欲代我苦。而我 劫 救 。備受諸苦 拔 。我生人道。佛以方便。令種善根 。我造業時。佛 出世。我尚沉 則哀憐。方 淪 。今得 便教 世 身 世生 化

不 何 聞 幸 0 佛 而 菩薩 躬逢 法 。焉知常受佛恩。此 道 舍利。如是 。建立 佛 思惟 法 0 。向 救度眾 恩 此 使 生。 德。邱山 不種善 縱 使粉骨碎 根 難 。何 喻。 以 自 身 得 闡 非發廣大 0 豈 佛 一能 法 酬

答。是爲發菩提心第一因緣也

0

生 給 推 云 父 出 我 乾去濕 何念父母恩 母俱蒙拔濟。不唯一人父母。人人父母盡可超昇。是爲發菩 世 。 生 常 又 等既 無實益 行 不 佛 能養其口 已出家。 。嚥苦吐甘。才得成人。指望紹繼 道 。兩 。 十 。哀哀父 方 途 體 濫 Ξ 既 。死不能導其神 稱釋子。恭號沙門。甘旨不 母 世 失。重罪難逃。如是思惟。唯 。生我劬勞 0 普度眾 生 靈 0 。十月三年。 則 0 於 不唯 世間 門 風 一生 則 0 供 父 爲 供 懷 有百 承祭 母 。祭 胎 大 乳 損 0 生 劫 掃 祀 。 於 生 不

勸 發菩提心文

今爲 體 解 義 云 佛 何 。戒 。若 念師長恩。父母雖能生育我身。若無世間師長。 大乘。普願利人。則世出世間二種師長。俱蒙利益。是爲 法 無 品 0 沾 出 則 身 世師長。則 何異俗人。今我等粗知禮義。略解佛 因緣也 。此之重恩。從師長得 不解佛法 。不知禮義。則 0 若 水小 果 同 0 法 僅 於異類 能 0 則 袈 自 不 裟 。不 知 利 被 禮 0

提

心第二因緣也。

織 彼 云 四 季衣裳 何念施主恩。謂我等今者日用所資 不已。 則 竭 力 猶自艱難。我則安服有餘。寧知愛惜。彼則華門蓬 躬 。疾病 耕 。尚難 所 須。身口所 餬 口 0 我 費。 則安坐受食 此 皆 0 出自 並非 0 猶 他 己 力。 有。三時 不 稱 將爲 ジ 0 彼 我 粥 則 飯 用 紡 0

發菩提心第

Ė

À 於心安乎。將他利而 嚴 擾 。檀信 攘終身 沾恩 0 我 。眾生受賜 則廣字閒庭 潤己身。於 0 則粒 0 優悠卒歲 理順乎。自 米寸絲。 0 酬償有分 非 以 彼勞 悲智雙運 而 供 。惡報 。 福 我 逸 難 慧

逃

。是爲發菩提心第四因緣也

緣 效 母 不曾爲我父乎。 云 何念眾生恩 。今則張王難記。彼其號呼於地獄之下。宛轉於餓鬼之中 0 。今之披毛帶角。安知非昔爲其子乎。今之蝡動蜎飛 彼 此有恩。今雖隔世昏迷。互不相識。 0 每見幼離 謂我與眾生。 父母。長而容貌都忘 從曠劫來。世世生生 以 理 0 一推之 何 況宿 0 0 豈 。安 互爲父 近無報 世 親 知

苦痛

誰

知

0

飢虚安訴

。我雖不見不聞

。彼

公水水

拯

北水濟

0

非

經

不

能

陳此事。非佛不能道此言。彼邪見人。何足以知此。是故菩

恩 薩 觀於螻蟻。皆是過去父母。未來諸佛。 是 爲發菩提心第五因緣也。 常 思利益。念報 其

都 裂 俄焉 脱 則 城 下每經萬遍。一朝苦痛。人間已過百年。頻煩獄卒疲勞。 云 而 又入。 中 糜 。熱 何念生死苦 狀 。人間 而 似 0 人。 青蓮藥結 鐵 忍 利 鋸解之 不除飢 聽叫嗥之慘 登刀山也。則舉體無完膚。攀劍樹也。則方寸皆割 天上。此界他方。出沒萬端 俄馬而地獄畜生餓鬼 0 。則 。 血 。吞之則 謂 我與眾生。 斷 肉 。煎熬盤 既 而復續。巧風吹之。則死 裂 肝腸盡 0 則 裹 從曠劫 爛 身 0 0 但 黑門朝 如 0 洋銅 聞苦痛之 紅藕華 。昇沉 來 難療渴 7出而暮還 。常 片刻 開 在生死 聲 • 己 0 0 。俄焉 選生 飲之 夜 冰 0 鐵窟 0 凍 死 則骨 未 0 生 而 始 暫離 得 凝 猛 天 0 誰 火 肉 解 地 0 0

烹 自 憐 翁 愛 食其 信 商賈而處處奔馳。身無定形。似房屋而頻頻遷徙。大千塵點 迅 也 如 何 外 速 故 而 閻 。今作冤家。昔日寇雠。今成骨肉。昔爲母而今爲婦。 其 知 子 翁 乾 糞穢叢 新 而 無常 鞭 脱 教 枯 。東西莫辨。長而有識。貪欲便生。 作 而 殼 驢 誠 不 0 夫 出血 也猶 又至 中 知 無一毛而不被針鑽。有一竅而皆從刀 。受時 0 。 文 。十月包藏 宿命知之。 易 。風 。誰知吾母之 王尚 知 0 神之欲謝 苦 火交煎 爾 。雖悔 難過 0 則可羞可恥 啖其親 。神 悲。牽豕就屠。焉識 恨 。其去體也倍 0 膿 識 以 而未識 何追 血 於中潰 道 。天眼視之 裏。一 。脱已還忘 亂 0 難 須 凡 0 時倒下 精 。 心 臾而老病 類皆然 血 割 0 既 無常主 乃翁之痛 0 。龜 則 竭 可 其 。當年恩 作業 可 憐 0 相 舊是 之 笑 皮 尋 。 少 類 將 也 肉

濟 冥 興 難 睹 山 言 窮 生 佛 0 0 莽莽 彼 及 别 經 往返之 0 以岸同 此 離 0 錯 横 長 0 此 身。 能不寒心。是故宜應斷生死流。出愛欲 登 久 百 理 P 0 錯 焉 。三途惡報 0 曠劫 多 四 知 。人身難 馬 海 於 覺 波濤 殊 大 勛 地 0 得 其或依前 0 0 0 0 孰計 向 在此一舉 還自受之 而易失 使 不 別離之淚。 貪戀 。良時易往 聞 佛 0 。是爲發菩提心第 痛 語 0 仍 不 0 峨 可 舊 此 言 事 癡 而 峨積骨。 難 迷 誰 0 海 誰 追 見 0 當 誰 只 0 0 自 六 道 恐 闡 過 相 彼崇 因 他 路 萬 代 0 緣 未 兼 冥 劫 0

尊 何 云 何 則 世 尊 尊重己 具有無量神通智慧。功德莊嚴。而我等則但有無量業繫煩 無量 劫 靈 來 0 卓 謂 成 我 現前 正 覺 0 而 ジ 我等昏迷 0 直 下與釋迦 顚 倒 尚 如 來無二 做 凡 夫 無 0 别 又 佛 0 世 云

也

譬如 無量 惱 在高幢 善 無價實珠。沒在淤泥。 生 法 死 。洞達光明。映蔽一切。可謂不孤佛化。不負己靈 纏縛 0 對 治 。 心 煩惱 性是一。 。修德有功 視 迷 悟 同瓦礫。不加愛重。是 天 0 則 淵 性 0 徳方 靜言思之 顯 0 0 如 豈不 珠 被 故宜應以 濯 可 。是 恥 0 懸

之中 中 犯 云 。亦應無量。何況終身歷劫。所起之罪。更不可言矣。 何 吉羅 懺 悔 舉一 業 小罪。尚獲此報。何況重罪。其報難言。今我等 障 動 0 經言犯一 0 恆違戒律。一飧一水。頻 吉羅。如四天王壽五百 犯 尸 羅 歲 0 0 墮 且 Ė 泥 日 所 犁 以 用

爲發菩提心第七因緣也

足

。何況沙彌比丘菩薩等戒。又不必言矣。問其名。則曰我

五

戒言之

。十人

九

犯

。少露多藏

。五戒名爲優婆塞戒

0

尚

不

具

比

善 佛 悔 愍 不受 原爲修行。淨土不生。則雖發易退。是則下菩提種。耕以念佛 過 莫若發廣大心 趣 云 丘 修 不生 向 也。 何 愍 也易。易故一生可致。難故累劫未成。是以往 0 行 求 則千生萬劫 他 則 。 千 生淨 歷 已 問其實。則尚不足爲優婆塞也。豈不可愧哉。當知 0 多福 自 劫 經萬論 。受則不可毀 。蓋念佛本期作佛 上 傷傷他 0 。是以 乃致 謂 。處處指歸。末世修行。 。惡報難 在 0 。言多福。則莫若執持名號。言多善 暫持聖號 身 此 土修行 口 犯。不 併切。 逃 。是爲發菩提心第八因緣 0 犯 。勝於布施百年。一發大心 。其進道 聲淚 則已 大心不發 俱下。普與 0 也難 犯 無越於 則終必墮落 0 0 則 彼 雖念奚爲 、眾生 聖前賢。人人 此 土往 0 然 也 生 。求哀懺 0 若 經 0 0 0 發心 稱 佛戒 其 非 0 超 少 成 自 則

生 。是爲發菩提心第九因緣也 道 果自然增長。乘 大願船 。入於淨土之海。西方決定往

滔 道 云 內 無 此 化 不 能 無益 緣周 何令 。難 。 天 覆 殆 。計無所出 訖 我 ·正法 於己。外無益於人。生無益於時。死無益於後。天 下皆是。不 行能行。難忍能忍。因圓果滿。遂致成佛。既成佛 不忍言 邪正不分 0 。入於涅槃。正法像法。皆已滅盡 地 久住 雖 。每一思 厚 。頓忘鄙陋。忽發大心。雖不能挽回末運於此 · 。 是 0 不 知佛是何人。法是何義。僧是何名。衰殘 謂我世尊。 能 非莫辨。競爭人我。盡逐利名 載 及。不覺淚下。我爲佛子。不能 我 0 極 無量劫 重 一罪人 來。爲我等故 0 非 我 0 僅存末 而 誰 0 。修 0 法 由 舉 是 報 0 有 菩提 痛 雖 恩 目 已 至 滔 教 不

。更待何日。唯願大眾。愍我愚誠。憐我苦志。同立此願

利

瞻 障 此 既登 懺 時 如是十緣備識 區區眞實苦心。是爲發菩提心第十因緣也 ら 界 摩 。 心 舍 身。居 。 沢 九品。回入娑婆。俾得佛日重輝。法門 。人民被化於東方 決當圖護持正法於來世。是故偕諸善友。同到道場。 。建兹 今我等又得出家。又受具戒。又遇道場。又 心作佛。從於今日。盡未來際 。又修懺 於華夏。六根無恙。四大輕安。具有信心。幸無 法會。發四十八之大願 。八法周 法 。又值善友。又具勝緣。不 。劫 知。則 運爲之 趣向有門。 更延 0 願 。畢此一形 。正法得以久住 願度生。 開發有地。 0 再 闡 於 期 。僧海澄清於 0 今日發 聞 百千 誓歸安養 佛 相 與得 法 0 劫之深 此 述爲 此 又 魔 此 則

淨 畏 然 則 鈍 猛 生 知 又 同 ら 勤 如 難 弗 迷而未悟。固可哀憐。苗知而不行。尤爲痛惜 地 土 發 0 0 爲 勞 磨 磨 是 獄 而 勿 勿 無 暫時 舟航 退怯 罪 ら い 刀 以 委 始 。置之無用 人。尚發菩提於往劫。豈可人倫佛子。不 。磨 昏 靡 。未發者今發。已發者增長。 根淺而自鄙無分。譬諸種 。勿視易而輕浮。勿欲 0 。安樂 迷 而 久 則 不 0 何 則 往 振 永 愁退轉 。又 刀 者既 起 鈍 劫。 0 若 而成 不可諫 勿 解怠 以修行爲苦 。又得無生爲 因 利 循 則偷安一世 0 而 0 豈 而今覺悟 更 速而不久長。勿 可 樹 期 因 0 。種 待 淺勿 已 忍 則不知 0 增長者今令 力 。受苦 久則根淺而 勿 0 種 0 將 因 解 則 0 來 愚 多生 何慮 任 0 怠尤苦 猶 立大 鈍 解 若懼地 其 尚 艱 自 怠 而 相 願 日 可 難 況 而 續 枯 修行 乎 獄之 於今 深 無 追 向 0 0 0 當 勇 無 因 勿 0 以 0

深 爲 苦 棄 願同生淨 矣 三十二 我 鞭 。則 。虚空非大。心王爲大。金剛非堅。願力最堅。 0 策 語 勿言一念輕微 相 精進自生。若念無常之速。則懈怠不起。又須以 0 。善友爲提 。百 土。同見彌陀。同化眾生。同成正覺。則安知未來 則菩提 福莊嚴 人眷屬 攜 。勿謂 。不從今日發心立願而始也。 0 。造次弗離 從而聯 虛願無益 姻 。蓮 0 終身依賴 。心眞則事實 社宗盟 。則 。自 一今締 大眾 無 願與大眾共 0 願廣 退 好 誠 失之虞 佛法 能 則行 所 不

註①我 「則」安服有餘:卍續藏第62冊《省庵法師語錄卷上》作「於」

《蓮宗必讀》

作

則

勉之。幸甚幸甚

註② 黑門朝出 《蓮宗必讀》 而 幕 還 作「暮」 : 卍續藏第62冊 0 《省庵法師語錄卷上》作「莫

四七

# 寶王二昧念佛直指第十七節録

寶王三昧念佛直指參閱大正藏第47冊

四 ` ` 究心不求無障 處 立 念身不求無病 世不 行 不 水無 求 無 魔 難 0 0 0 0 身無病 世無難 行 心無障 無魔 則誓 則貪欲 則所學躐等 則 驕 願 奢 不 乃 必 起 堅 生

0

五 謀事 不求易成 0 事易成則志成 輕 慢 0

0

0

0

於 交情不求益 人不 求 順 適 我 0 0 情益我 人 順適 則 則 虧 內 失 ら 自 道 義 矜 0 0

施德不求望報 。德望報則意有所圖 0

見利不求霑分。利霑分則癡心必動 0

屈摩羅之輩 居礙反通。b 園 遙 是 林 故 礙反通。求通反礙。是以如來。於障礙中得菩提道。 以群魔爲法侶 大聖化人。 0 以 被 市德爲棄 。提婆達多之徒 抑不求申明 以病苦爲良藥。以患難爲解 . 屣 。以疏 以事難爲安樂。以弊交爲資糧。 0 抑申明則人我未忘 。皆來作逆 利爲富貴 0 以受抑爲行門 。而 佛悉與其記 脱 0 以 障 以 0 至 礙 逆人爲 如 0 是 爲

逍

則

薄 註① 至若鴦「屈」摩羅之輩:大正藏《大般涅槃經》卷第17作「崛」 則 成 世惡 障 佛 礙 0 豈 至時莫能排遣 。人事異常。於學道人豈無障礙 不以彼逆而爲吾之順 。使法王大寶因 0 以彼毀而爲吾之成也。何況時 兹 而 。於今若不先居 失 0 可 不 惜 諸 於 0 化 若 礙 令 0 鴦

# 為山大圓禪師警策

緇門警訓卷第一參閱大正藏第8冊

處 纔登戒 師 那 譬如春霜曉露倏忽即 大 固 夫業繁受身未免形累 扶持 間 以 0 0 謂言法爾合供 棄 內 0 品。便言我是比 勤 。常 離 轉 剋念之功 息 0 相違背。無常老病不與人 不 即 能 是 來 安國治 0 0 生 外 喫了聚頭喧喧。 無 。稟父母之遺體 0 丘 弘不諍之德 0 邦。家業頓捐繼 何乃晏然空 岸樹井藤豈能長久 。檀越所須 0 過 但 迥脱 期。朝存夕亡 0 0 。父母不 假眾緣 說人間雜話 喫用常 嗣 塵世冀期 0 。念念迅 緬 住 而 離 供 共 0 鄉 甘 刹 成 出 不 0 黨剃 旨 然 解 速 那 離 0 則一 付 異 雖 0 0 0 髮 思 世 六 何 乃 親 期 來 稟 刹 乃 四 0

無 玄道 義 持作 休 質 出 跎 座 倨 趁 家 上 傲 0 樂。不知樂是苦因。 0 0 0 受 乘豈 導師 未諳 無 犯 起 婆 日 0 貴求 往 坐松諸動他心念。不存些些軌則小小威儀。將何束斂後 東斂初心。 羅 因 用 法律 契悟 能 月 有 殷 門 衣食 甄 來 敕 繁施利 聚 戒勗 別 颯 。戢斂全無。或大語高聲出言無度 。及至年高臘長 會無 然白 0 0 可惜 佛 濃 微 比 殊 首 先 丘 厚 細條章革諸猥弊。毘尼法席曾未叨 0 制 。後學 一生空過 0 0 碗 曩劫徇塵未嘗返省。時 動 律啓 進道嚴身三常 鉢作聲食畢先起。去 經年載不擬棄離 創發 。空 未聞旨趣。應須博問 0 後悔難 蒙 腹高心不肯 0 軌 不足。人多於 則威 追 0 0 教 儀淨 積 親 就 光淹沒歲月蹉 聚 附 理 0 乖 未嘗 先 良 不 如 滋多保 角 敬 知 此 冰 朋 僧 陪 0 上 措 雪 耽 0 體 中下 將 味不 惟 懷 持 0 全 了 知 止 幻 0

感傷 命 修 茫 間 持 昆 縱有談說不涉典章。或 如 人負 不可 茫 遂 。年晚 0 0 向 嘆 成 新 未 延時 情 ·知何往 朝 訝 債 疏 學 哀 存 野 強 多諸過 無 臥疾在床。眾苦縈纏逼迫 者先 哉 粗 不可待。人天三有應未免之 0 因 切心 糙 不覺躘 倣 0 牽 咎 。如 傚 從 0 0 0 兹 新之見 纔 豈 踵 臨 ら 始 老 被 可 緒多端重處 行揮霍怕怖障惶 相覺察 知 緘言 朽 輕言便責後生無禮。瞋心 悔 ·蓋爲初心慵惰饕餮因 0 過 遞 觸 0 0 事 相警策 便言我是 臨 偏 面 。曉夕思忖心 渴 墜 牆 掘 0 0 0 0 。後學咨 井奚爲 無常 穀穿雀飛識 山 所 如 恨 是受身非論 僧 同 殺 0 裡 未聞 生 鬼 詢 0 念念 自 像 忿起言語 無言 循 恛 季 ジ 恨 惶 佛 。 荏 早 隨 劫 不 接 教 去 0 前 聖 不 苒 數 引 0 路 談 行 時 預 0 0 0

遙

佛

法生疏人多懈怠。略伸管見以曉後來。若不蠲矜誠

難輪

是宿植 意欲等 我 耳 作 果 説 處寸步不 拔濟三有 夫出家者 者朋 後 乃 無因克 目 傍於稽 來 0 龜 超 友。親附善者如霧露中行。雖不濕衣時時有潤。狎習惡 住 善根感斯 何所 移 就 止 鏡 0 0 必須擇 若 古 0 發足超方心形 0 。豈可一生空過。抑亦來業無裨。辭親決志披緇 常 恍 不 。形 。曉夕 異 如此 惚一生 以 儀 報 伴 如 0 思忖 0 挺特意氣高 此。未能少分 0 將 時 便 濫 異俗 廁 時 擬 何憑恃。況 。豈可 聞 端 僧 於 然 0 倫言行荒 遷 紹 未 閑 拱 相 聞 。遠行 延 隆聖種震攝魔軍。 手。不 0 應。出 過時。 乃堂堂僧相容貌可 疏。 故 要假 貴寸陰事 云 虚 言 ジ 0 良 須涉 期 霑信 生 佛法 我 朋 業 者 於 施 0 典 棟 不 用 數 父 0 母 數 章 梁 勤 觀 昔年行 報 清 。成 0 0 0 四 恩 於 談 用 功 0

逭

聞 將 研幾 素精 者長 往 其 復 服 必 三界二十 來 聲 妙 心 亦 湊 忠 相賺 Ė 見 精 惡 神 0 界之 色蓋 言 知 乃 泊 切 妙 0 喧 逆耳 五 見 須 酬 0 0 。決擇深奧啓悟眞源 有 一囂 若有中流之士。未能頓超 一是尋常 但情 賓 報 仔 0 曉夕造 細 止 。豈不 四恩拔濟三有 0 0 出 絕 不 內 用 沒爲 。 遊邊 附 外 ジ 0 若 銘 惡 物 諸 0 他 可 ジ 欲 法 0 0 參禪? 者哉 物豈 作 那 盡 中 即 邊應 頓悟 則 。生 知 目 學道 礙 交 不 0 0 0 博問先知親近善友 生 便 此 用 實 正 報 人 0 能 歿後 之 若能不 因 不 0 0 澡 任 從 闕 頓 0 0 學最 便是 超方 他 且於教法留心 心 心育德 沉 0 變 如 法 淪 退 性 妙 起 出 便 斯 0 0 最 悉是 佛 之 行 周流莫斷莫續 塵 0 晦 玄 階 門 失 階決定 止 實 假 漸 0 跡 人 0 0 名 此 身 韜 0 但 不 0 ら 宗 辦 此 契 名 萬 枉 0 尋貝 難 肯 玄 期 披 不 則 劫 法 津 破 得 蘊 不 こ 用 0

舉 方 千尋 葉 和響順形直影端。因果歷然豈無憂懼。故經云。假使百千意。 因 在 輕 必 措 信 須 精 欺 果 緇 門 施 息意忘緣。 看 搜義理。傳唱敷揚接引後來。報佛恩德。時 。古云 以 0 0 。在 他上流 不 附 此 0 亦 託 扶 可等閑 苒 0 勝 持 乃 彼既丈夫我亦爾。 孤 因 。 住 一生殊無所益 0 不與諸塵作對。 負 過 方 莫擅隨於庸鄙。今生便須決 日 能 止威儀便是僧中 四 恩 兀兀度時 廣 益 0 積累轉深 0 **懇修齋戒莫謾虧** 0 伏 。可 望興決烈之志 不應自輕而退屈 心空境寂。 。 心 惜光陰。不 法 器 塵易壅觸 0 豈 只爲 踰 不 斷 見 求 0 0 途成 升進 久滯 倚 開 世 0 。若不 光亦不虚 想 特達 世生 松 料不 不 滯 之 。徒 葛 生 通 之 如 0 懷 殊 劫 此 消 上 棄 由 0 0 徒 所 妙 聳 别 熟 0

所 作業 。弩力勤修莫空過 不亡 0 因緣會遇時 日 。深 0 知過患方乃相勸行持 果 報還 自受 0 故 知 三界 0 願 刑罰崇絆 百劫千生 殺

處處同爲 法 侶 0 乃 爲 銘 日

幻身夢宅 空 中 物 色 0 前 際 無窮後際寧剋 0

世 沒彼升 間 陰緣成 沉 疲 質 極 0 0 從生至 未免三 老 輪 何時 無 所 休 息 得 0 0

無明因茲被 惑 0 光陰可惜 刹 那 不 測 0

根本

貪戀

出

此

今生空 過 來 世室 塞 0 從 迷至 迷 皆 因六 賊 0

往 還三界匍 匐 0 早訪 明 師 親 近高 德 0

六道

決擇 身 Š 去其 荊 棘 0 世自 浮 虚 眾 緣豈 逼 0

研 根怡然行住寂 法 理 以 悟 爲 默 則 0 0 ら 境 ジ 俱捐 不生萬法俱息 莫記 莫 億 0 0

註(5) 註⑥聲和「響」順形直影端:大正藏《緇門警訓》作「嚮」,卍續藏 註④任他法性周流莫斷莫續:大正藏第4冊《宗鏡錄》、卍續藏第6冊 註③「穀」穿雀飛識心隨業:大正藏《緇門警訓》作「穀」,卍續藏 註② 縱有談說不涉「典」章:大正藏《緇門警訓》作「曲」,卍續藏 註① 動經年載不「擬」棄離:大正藏《緇門警訓》作「疑」,卍續藏 第37冊《佛祖三經指南》 第37冊《佛祖三經指南》 第37冊《佛祖三經指南》、第63冊《溈山警策註》作「典」。 第37册《佛祖三經指南》、第63册《溈山警策註》作「擬」。 「遮」邊那邊應用不闕:「遮」通「這」。 《禪門諸祖師偈頌》作「絕」。 、第63冊《溈山警策註》作「縠」。 、第63册《溈山警策註》作「響」

#### 百 丈大智 禪 飾 叢 林要則二十條

學問 語言 叢 待 留 精 遇 老 煩 凡 客 眾 險 事 惱 死 進 林 以 以 以 以 以 以 以 以 以 以 至 減少爲直 持戒為第 不亂爲定力 預 無常爲警策 老成爲眞情 勤習爲入 忍辱爲菩提 無事爲興 一誠爲供 立爲 不 門 勞 養 截 盛 0 0 0 0 0 0 0 0 0 0 濟物 修行 處眾 是 疾病 佛 因 長 執 山 非 門 事 果 幼 事 以 以慈悲爲根本 以 以 以 以 以 以 以 以 謙恭爲 精嚴 慈 盡 減食爲湯 念 者舊爲 明 不 和爲進 佛爲穩 辨爲 白 ジ 爲 爲 爲 有 莊 切 無 有 解 過 當 嚴 實 德 藥 脱 理 功 0 0 0 0 0 0 0 0 0 0

參閱禪門日誦第14頁

袓

飾

訓誨出家三十要則

出家要教徒弟。不可隨他遊戲 出家要學老 出家要敬 出家要去 出家要常 出家要持戒行。戒是佛祖正令 出家要虔禮 出家要真參禪 出家要勤念佛。念念要生 師 聽教 念 誠 長 經 佛 0 0 0 0 0 。參透未生 第 惟 隨 消 不 誠 盡 力 然 隨時 報答 不 開 平 可 口 生罪業 **'供養** 誇 彼 亂 四 以前 恩 能 道 國 0 0 0 0 0 0 0 0 0 受戒不守毘 諄諄教養成人。 信 胸 趙 念 猖 百孝不 中半字不 到 州 日 狂 口念出 二王供 不念而 硬氣 凡 如一 軀 四至 脱 粗 順 字 尼 落 留 養 念 疏 0 0 0 0 0 0 0 0 便是註 好作佛門大器 神 彌 不 自 徒勞喪身失 靈 佛 陀 人一 可 成 光 袓 一普蔭 開 大藏 不 回 見 顏 個 從 頭 他 頷 全 生 人 倔 法 命 瞋 文 得 笶 天 強 則 0 0 0 0 0 0 0 0 0

出家要 出家 出家 出家要常知足。莫管衣衫淡泊 出家要吃 出家要和 出家要離惡友 出家要近善 出家要學定力 出家要除 要 要 要 斷 明 甘 輕 些虧 大眾 煩惱 淡 因 財 懶 果 泊 物 惰 人 0 0 。一了千百俱了 0 。一惡般 0 0 0 0 0 慎勿互相爭関 直 粒 自古三常不足 凡 又要帶三分 不可千方 死 ジ 把 事 粒 私 蹋 向 施主辛苦 - 心盡絕 般 前去做 地 出醜 百 相 計 默为 親 0 0 0 0 0 0 0 0 0 0 終朝 莫嫌 學些好 吃了若 你若 若想他人財物。 聚 單單提個話 ら 王法不怕惡人 口氣若不 似 頭說是說 寒灰 淡飯黃 煩煩惱 避懶偷安 樣在 不修 枯 非。 行 惱 虀-來 頭 木 肚 0 0 0 0 0 0 0 0 0 人神 是 空 驢 古 惡 自 不顧自己 自 做 文 年那 然萬 人 非 把 牛 然 人 光陰 拏? 披 從 纓 脱 那 做 馬 何 得 絡 他 枷 俗 緣 得 帶 還 處 來 悟 離 俱 衛 不 炊 薄 來 送 息 護 道 粥 去 塵 杻 0 0 0 0 0

註①便是「者」個法則:「者」同「這」。 出家要信 出家要達道 出家要斷妄心 出家要遠 出家要忍人辱。忍辱天下和睦。 出家要立主意 出家要口 出家要起得早。 出家要趁 出家要顧常住 謹 佛法 俗家 少年 理 默 。妄心好事難成 。三藏 0 0 。不可多嘴饒舌 0 。一針一草勿棄 0 俗家人事如麻 務 諸 遲了修行不了 切 切 使 般要去向前 頓 只盡自己 明 口吞 ジ 卻 地 0 0 0 0 0 0 0 0 0 妄爲 方 謙 若 若 當 杜 此章佛祖真傳。 明 隨心恣意侵損。 此膂力強: 然惹是招 朝 和每讓三分 依妄心行事 知源遠流長。 絕塵緣煩擾 又有明 顛倒攀緣 非 朝 健 0 0 0 0 0 0 0 可接佛祖 必有 地 耕 伽藍與你算計 相 自 忍辱少 阿 明 見人 鼻誰 獄少 轉祖 然 朝 別有 禍 壽 命難 人 患臨 人可 罪多福 你 業 . 一 脈 歡 生 不 田 喜 身 替 得 保 涯 園 0 0 0 0 0

0

0

0

## 中峰國師訓誨文

參閱禪門日誦第14百

0

出 粗衣 莫道 每 第 好 親 饒 既 去 你 到出家 人可以相 俗莫去攀缘 日 一要發 終夜 走 幹事竟歸 作 淡 務 盡 飯 地位 一天邊 不眠 道 隨 勤 勞 親。惡 緣 ら 0 0 0 0 0 0 0 0 那 真 莫學奢華富貴 須要更深早起 晨昏切莫貪 聽我諄諄訓誨 朋友莫交 切 人切須迴避 有 莫兜三惹 心兼管常 皮 人寬大 財 樹 利 住 睡 四 0 0 。前生修得爲僧。今生豈能 0 0 0 0 0 0 客來動問公私。待茶陪坐啓 時常日久揩磨 無事莫過他 早 但 知 無錢莫去強 誦 命守道 要慈善 晚 經報答四 自己工 温 存 求 夫 恩 柔 門 ジ 0 0 0 0 0 0 0 漸 飲 有 禮 莫 端 ら 食莫 學 錢 漸明通 靜 拜自求 端安分 事 不 猖 狂 擇 可 業 容 粗 輕 福 硬 ら 好 對 氣 費 處 地 記 慧 易 細

0

0

0

0

若能依得此偈。定到龍華三會

0

經行 硬 要做世諦下流 若享安樂 般般老實至誠 既 寫字學體學真 強 然動靜 义手 不 聽 好言 在前 如斯 當 胸 0 0 。自 0 0 0 0 常常 後來恐防不濟 誦經要熟要背。 如自隨心任意 趺 又要心口相 然 坐脊梁挺 被 使人尊貴 人說背 應 起 0 0 0 0 0 0 錯 尋常習慣自 學得藏在胸中。切莫未會先會 我先二三十年。 要 苦行受得在前。 口不道 做賢達好 過事業千般。至今方得理會 其非言 人。 然 0 0 日 不 不曾依得 依 ジ 我者 後 不懷其惡 必裝威作 必 般 然 此 行 次 意 勢 偈 去 第 0 0 0 0 0 0

### 大唐慈恩法師 出家箴

捨 師七證定初 家 出家何所 機 以 0 0 剃髮染衣發 稽首空王 求 弘 出 誓 離

0

0

鍊磨真性若虛空 。除鄙吝 0 0 自然戰退魔軍 十二時中常謹 陣 慎 0 0

去貪瞋

莫教 學 習 N'S 地 0尋 亂 師 如 麻 匠 0 0 説與同 百歲 光陰等閉 人 堪 倚 喪 仗 0 0

勤

踵前 行 住坐臥要精專 賢 0 學 先 聖 0 0 盡 念念無差始相 假 闡 思 修得 應 證 0 0

門警訓卷第

緇參

佛 真 經 聽不依行 0 問 縱 横 指 示 菩 提 路 0

不

0

日

開

不習 速 須究 0 似 頭 然 0 誰莫 待 君 明 何 年 與後 ジ 年 悟

息不

來

即後

世

0

人保得

此

身

堅

0

爲 不 成道業施將 蠶 衣 0 不 田 來 食 0 0 道業未 織 女耕 夫汗 成爭 消 血 得 力 0

哀哀 濕回乾養育成 父。哀哀母 0 0 嚥苦吐, 要襲 門 廿大辛 風 繼 先 苦 袓

就

若 不超 旦辭 凡越聖流 親 求 剃 落 0 0 向此因 此 循 十 無依 全 大 錯 託

若 福 因 田 衣 小利繫心懷 0 降 龍 鉢 0 0 彼岸涅槃爭得達 受用一生求解 脱 0 0

既遇出家披縷褐。 猶如浮木值盲龜善男子。汝須知。 遭逢難得似今時

0

0

倘 大 能 丈 夫 行願力相 0 須 猛 扶 利 0 0 緊束身 決定龍華親授記 i 莫容易 0

ラテ

紛 紛 沒 了 期 0 空 門 得 入 是 便 宜

直

須

日夜

常精進

0

莫教勞勞空過

時

0

0

世

諦

燒香禮 懺 梅多生塵垢 拜 莫 匆 罪 匆 0 0 願存法 目 睹 ら 水 存 洗 對 ジ 聖 胸 容 0 0

到 ら 猿易 老情塵掃 縱 安教 不 盡 縱 0 0 出 意 家 馬 難 四 事 調 恐難 亦 要 消 調 0 0

年圓頂方 要學書也 念 袍 日 經 0 0 事 出 事 家 臨 ら 時 地 總 要 現 分 成 明 0 0

他

也

等 出家為弟 子 0 事 師 如 事 在 堂 親 0

添香換水須勤謹 0 自有龍 天鑑 照 人 0

慈受禪師

訓童行

緇參 門閱 ·警訓卷第、 大正藏第48 八冊

衣 衫 鞋 襪 須齊 整 0 掛 撘 巾單 不

廊 身四威儀常具足 下 逢僧須 問 訊 0 0 門前 莫隨愚輩學粗 遇 客 要 相 可 呼 疏 無

出家體態宜謙讓 ジ 不 斷葷 田 如 未淨 和 酒 0 0 0 菩提種 枉 莫學愚人禮數 在 伽 一子亦難 藍 地 上 無 行 生 0

0

0

0

0

出

家

到

老

他人 口 短 深 藏 與 長 舌 0 0 説 便是安身第 來說 去 自 招 方 殃

若

能

閉

莫

説

暗中莫道無人 莫學愚 人 説 脱 見 空 0 0 只 脱 空 恐難瞞馬 説 得 有 相 何 公 窮 0

不見確坊盧行者。 祖師衣鉢是渠傳色身康健莫貪眠。 作務辛勤要面前

0

0

諷誦如來經一卷。 勝如閑話口吧吧。二時普請宜先到。 眾手能爲事不差。

香 諷 積 誦 廚 如來 中 經 好 一卷 用 ら 0 0 五 湖 龍 閑 象 話 在 口 叢 吧 林 吧 0

頭驢腳分 住分毫不 明 可 現 偷 0 0 佛 日 生萬 地 今生掃未 倍 恐難 休 酬

常

瞻

星望月

雖辛

苦

0

須信

因深

果亦深

豬

家事精 莫將恣意胡拋擲 粗宜爱 惜 0 0 用 使 者 時 須 須 知 把 成 眼 者難 睛 看

事 諸 眾 竂 若 供 能 過 常 要 謹 精 勤 切 0 0 掃 身 地煎茶 心方是 出 莫 家 厭 人 頻 0 0

有 時 %解始出 街 頭 0 照 顧 潙 山 水 牯 牛

0

遭 拳 門 手 外 人 唾 相 草深常管帶 面 交 須 不 揩 可 爲 卻 0 0 0 到底饒 粗豪 等 閑 非是 失 卻 人不是癡 恐難 出 家 收 兒 0 0 0

三 通 浴 鼓 入 堂 時 0 觸 淨 須 分 上 下 衣

家言 笑高聲皆 未 除鬚與髮 行 要 不 相 應 可 0 0 戰 莫 直 一教去就 戦常 將 粗 行 如 便 履 破 薄 威 如 僧 儀 冰 0

雖

是

0

0

出

語

# 周 京師大中興寺道安法師遺誡九章

緇門警訓卷第二參閱大正藏第8冊

者 不諍 所 謂重 莫不歸攝 敬 絕 聖 謝諸弟子等。夫出家爲道至重至難。不可自 不 世離俗永割親愛。迴情易性不同於眾。 者 滌 不讒 導 能 除 人 0 割 精 不匿 荷道佩德紫仁負義 。損妻減養供奉衣食。屈身俯仰不辭勞恨者。以其志 也 0 魂 忍苦受辱捐棄 0 0 。學問高遠志在玄 行必可履言必可 故 得君主 不望其報 軀命 。奉持淨戒死而有 法 0 默 謂之難 0 。是爲名稱參位三尊 。父母不望 被 服 者 出 行人所不能 家動爲 。名曰道 其 已 輕不可自易。所 力 0 法 所 0 則 謂難 普 人 行 天 0 0 0 0 出 割 道 之 不 賢 貪 0

周

京師

大中興寺道安法師

遺誠

九章

思 歲 足 行 示 學之人未體法則。著 清 0 0 0 有情 飽 潔通 無常之 經業未通文字不 食終 於 之流可爲永誠 神 限 日 非 無 明 所 旦 0 即 用 惔芬 夕 決 ジ 邪棄正忘其真實。以 怕 虚白可奇可貴 0 0 0 三途苦痛無強無弱 徒喪一世無所成名。 退 自推觀 良亦 0 自 可 小點₹ 悲 獲 荒 0 0 師 計 爲智。以 流道 如 此 今 徒義深故 之事 出家 法 遂 或 可 小 替 有年 以 不 恭 申 爲

#### 其

0

卿 悠悠竟 剖 如是出家徒自辱名。今故誨勵宜當專精 愛榮道意凌太清。當遵此志經道修明 已出家永違 日 經 業 所 不 成 生 0 0 德 剃 行 髮毀容法 日 損 穢 服 積 遂 加 盈 行 0 0 0 0 師 辭 如 何無心 友慚 親 之 日 恥凡俗所 故 上下 存色聲

經道 金玉 卿 今故誨勵宜各自憐 如 何 已出家棄 改 不 不 操趨 貴惟 通 戒 走風 德不 道爲珍 俗辭君 全 塵 0 0 0 0 坐不暖席馳鶩東西 應自海勵志果青雲 朋 約己守節 友蚩弄同學棄捐 甘苦樂貧 0 0 0 0 財色不顧與 如是出家徒喪天 劇 進 如徭 德 自度 役縣官 又 能 世 所 度 不 牽 群 0 0

#### 其 三 日

0

經道 卿 超 如 何 然 已出家永 縱容豁 無 不明德行不足。如是出家徒自毀辱。今故誨示宜自洗浴 ら 仍 著 然離 辭宗族 染觸 俗 0 0 0 空諍 無親無疏清淨無欲 志存玄妙軌眞守樸 長短 銖 兩 升 斛 0 0 0 吉 與 得度廣濟普蒙福 、世諍 則不 歡凶 利 7何異僮僕 則 不 祿 感 0

周

京師大中興寺道安法師

遺誠九章

#### 其四日

稽 卿 如 燒鐵爲食 何怠慢不能報恩 首 已出家號曰道人。父 致 敬 融 不計富貧 銅 灌 咽 0 0 0 倚 尚 如斯之痛法句所陳 母不敬君帝不臣 縱遊逸身意虛煩 其清修自利 利人 0 0 。無戒食施死入 0 普 今故誨約宜改 减 割 天同奉事之 之重一米 自 太 如 七 神 山

#### 其五日

當修經 卿 縱 故戒 其 已出家號曰息 四 約幸 戒 大恣其五 以濟精 自 開 神 神 根。道德遂淺世事更深。 ジ 0 0 穢 眾 生蒙祐并 雜不著惟道是欽 度 所 親 0 0 如是出家與世同塵 如 志參清潔如 何 無 ら 隨 玉 俗 浮 如 冰 沉

0

經道 卿 已出家捐 損 耗 世事有餘 世形軀 0 0 當務 清白不覆反入 竭情 泥 洹合符 泥 塗 0 。如何擾動不 過影之命或在須 樂 閑 臾 居

地 獄 之痛 難 可具書 0 今故戒勵宜崇典謨 0

#### 其 七 日

不肖之 卿 飲 如是出家足報二親 食 已出家不可自寬 雖疏 供足不妄前 出言可餐 0 0 0 0 久處私室 宗族知識一切蒙恩 夏則忍熱冬則忍寒。 形 雖 鄙 **西使行可** 如 臨 至尊 觀 。今故誠 0 0 能自 衣 學 雖 服 守 不多可齊 雖麤坐 節不 汝宜各自 一起令 飲 盗 上 敦 賢 泉 端

### 其八日

今故誨 卿 士堪 已出家性 汝宜 能 塔 有昏 自端情 寺 經 營 明 0 0 豈可終日一無所成。立身無聞可謂徒 學無多少要在修精 0 上 一士坐禪 中 士 誦 生 經

0

周

京師大中興寺道安法師

遺誠九章

#### 其九日

邈爾絕 卿已出家永違二親。道法革性俗服離身。辭親之日乍悲乍欣 俗 超 出埃塵 。當修經道制已履眞 0 如何無心更染 俗 因 0 0

經道已薄行無毛分。言非可貴德非可珍。師友致累惠恨日殷

0

如是出家損法辱身。思之念之好自將身 0

註①與世諍利何「異」僮僕:大正藏第4冊《緇門警訓》作「盡」 第51冊 《釋門自鏡錄》 、第53册《法苑珠林》作「異」

註(2) 今故誨約宜改自「新」 第50冊 《續高僧傳》 、第53冊 :大正藏第48冊 《法苑珠林》 《緇門警訓》 作「新」

緇門警訓卷第一參閱大正藏第8冊

明 慧 教 慈也者。常欲安萬物。 密而行之。鬼神不能測。其演法也辨説不滯。其護法也奮不顧 因 不貪生不懼 下見真諦 以慧爲命。以禪悦爲食 而 必尊僧 0 。語其戒也。潔清三惑而畢身不汙。語其定也。恬思慮正神 終日 以 此成之之謂果。其於物也。有慈有悲 何謂也。僧也者以佛爲姓 不 0 惠也者。惠群生以正 亂。 死 。不溽乎五味。其防 語其慧也。崇德辨惑而必然。 悲也者。常欲拯眾苦。 。故不恃俗民。不營世家。不修形 法 。神 身有戒。攝心有定 0 以如來爲家 而通之。天 。有大誓有大 誓也者 以此修之之謂 0 地不 以 法為 。誓與 0 能 辨 揜⇒ 惠 明 骸 身 天 有 0 0

明

教嵩禪師尊僧篇

若陽 謝 谷 以法 不爲 能導於俗。其忘形也委禽獸而不怪。其讀誦也冒寒暑而不廢 於天下也。能必和能普敬。其語無妄故其爲信也至。其法無我 輕 故其爲讓也誠 天子 。其 。其群居也以法爲屬。會四海之人而不爲混。其可學也雖三 子諸侯而不爲高。其獨立也以道自勝。雖形影相弔而草其衣木其食。晏然自得。不可以利誘。不可以勢 艷 而 能 恥。其寡欲也糞衣綴鉢而不爲貧。其無爭也可辱而不可 忍人之不可忍。能行人之不能行。其正命也丐食而食而 出也遊人間遍聚落。視名若谷響。視 無怨也可同而不可損。以實相待物。 煦嫗貧病瓦合輿優。而不爲卑。 。有威可警有儀可則。天人望而儼然 以道而處也雖 利若遊塵。視 以至慈修己 0 能 福 而不爲 屈 於世 故 山窮 物 色 其

也 藏十二部。百家異道之書。無不知也。他方殊俗之言。無不 非世之所謂聖也。出世殊勝之賢聖也。僧也如此可不尊乎 心溥。其爲德備。其爲道大。其爲賢非世之所謂賢也。其爲聖 也離念清淨純眞一如。不復有所分別也。僧乎其爲人至 。 祖 述其法則有文有章也。行其中道則不空不有也。 其絕學 。其爲 通

註①僧也者以佛為「姓」:大正藏第48冊《緇門警訓》作「性」,大正 藏第52冊 《鐔津文集》 作「姓」 0

註(2) 52 「常」欲安萬物:大正藏第48冊 册 《鐔津文集》 作「常」 《緇門警訓》作「當」,大正藏第

註③ 按 雖形影相 正異體字 《字彙 「弔」而不為孤:大正藏第4冊 口部》云:「吊,俗弔字。」且「弔」、「吊」互為 《緇門警訓》 作「吊」,

明教嵩禪師尊僧篇

## 裴 休 丞

相送子出家警策箴

汝 及 出家須立志 0 求 師學道 非容易 0

莫閒 燒香 三 朝 五 换 遊 日不歸 水 0 莫喜 要慇 戲 家 懃 0 0 0 出 佛 妙法何曾聞 入 殿僧堂 分 明 一勤掃 説 處 句 去 拭

0

0

0

師 恭下敬要謙 兄 0 訓 師 和 弟 0 0 莫輕他 莫在空 門諍 人 自 崩 逞 勢 氣 0 0

敬

上

衣食難 0 非容易 0 何必千般 求 細 膩 0

清齋薄 粥 但尋常 0 廳 布 麻 衣 隨 分 際

榮華 解三空 止 一在紫羅 0 明四 智 袍 0 0 有道 要超初果至十 何須黃金貴 地 0 0

參閱禪門日誦第14頁

禮 觀音。 持 、勢至 0 別 人睡 時 你 休 睡 0

更宿盡五更初 0 好 向 釋 迦 金 殿 內 0

剔 明 燈 。換 淨 水 0 禮 拜 如 來 求 智 慧 0

報答爹娘養育恩 0 天龍八部生權喜 0

含悲送子入空門 0 朝夕應當種善根 0

偈 日

身 眼莫隨財色染 0 道心 須向 歲寒存 0

經念佛 依 師 教 0 苦志 明 ら 報 四 恩 0

看

他 日 忽然成大器 0 人間 天上獨稱尊

0

又偈曰

江 南 江 北 鷓鴣啼 0 送子 忙忙出虎溪 0

行 到 水窮山盡 處 0 自 然得個 轉 身時

0

# 宋仁宗皇帝渺題讚僧賦

參閱禪門日誦第14頁

意 軍 噪高 中 夫 川 如 來之弟子 世間最貴者。莫如捨俗出家。若得爲僧。便受人天供養。作 0 。白鹿銜花。青猿獻菓。春聽鶯啼鳥語。妙樂天機 0 0 闡 蒲 林 夜 空 種 坐無畏床 王佛弟子 種 名 團 0 現 豈 煖 而 成 。爲先聖之宗親 歸 坐 知 正道 。生存爲人天之師。 炎 0 0 。如來親眷屬。 熱 任 朝睹彌陀佛 他 0 0 波 秋 板響雲堂赴供 濤 睹清風 浪起 。 出 0 0 明 身穿 朕若得如此 入於金門之下 振 月 末後定歸於聖 錫 。鐘鳴上殿諷 0 百衲衣 星燦 杖 以 光 騰 0 。口吃千 空 耀 千足與萬足 ·。行藏 果 0 0 冬觀 矣 假 經 饒 鍾 0 0 於實殿 0 雪嶺 夏聞 般 粟 偈 大魔 般 日 0 0 蟬 之 如 山

不成 以在一门深 修八字果 就 雑ス 成就 쀠 净空 断各有 入長時 熊 **な** 懷

## 持 分里净大 脂蜡 印富

震步

# 阿 彌陀佛





## 



 **答問題** 「神悪人不必 「神悪人不必 「神悪人不必 「神悪人不必 「神悪人不必 「神悪人 「神悪性 「神悪人 「神楽世 「神楽世

境處善 全视 瞋志葉障盡 福纯净纯善可矣 心神生慧行善生 縁無貪痴福慧 随悪 消 脈視 随順

滅 貪 定 瞋

北

#### 阿 陀佛 南 無 獮

若 下 莊 上 願 回 報 有 濟 嚴 以 見 Ξ 向 佛 此 四 途 聞 重 淨 功 偈 者 苦 恩 土 德

贈 各 香光淨 宗學會

敬

話: (〇二)

網 址 : 一中興 北〇〇

真: (○二) 新北市三 八 重 區 五五

179 五

號三

1

樓

五

五

地 傳

共 ·· www.hsiangkuan.org

E-mail ·· hsiangkuan@sparqnet.net

淨空法師專輯簡體網站淨空法師專輯網站

影淨

音空

網法

址師

http://www.amtb.org.tw

http://www.amtb.cn

站 http://www.chinkung.org

ΕP 显 電話: (〇四) 二三一三八三七 盛 址 :合中市西屯區永輝路八十 EP 祕 事業有限公司

三 八

號

盡

此

報

身

同

生

極

樂

國

佛

註 版

會已陸續

將所

ΕP

製

之

悉

發

菩

提

ジ

排

版

承

淨空

法師英文網

中華民國一〇三年 權 曆 本開會放 二五五五 , 歡 八年 迎翻 ΕP 九月恭印貳 , 上 傳 仟本 功

結

緣

/法寶, 轉 **传成電子檔** 沙德無量, , 免 請 費 自 結 沆 緣 至 , 敬 本 會 請 網 愛護 站下 珍 載 惜



本會法費・免費結線・絕無託人募款義賣・敬請明察・愛護珍惜

Printed in Taiwan (This book is not to be sold.) FOR FREE DISTRIBUTION